

# ВЕРЫСЕ ПОЭТЫМ ОГЫТ МОНДО



“Күдыронгыр” клубышто шарнымаш касыш погынышо-влак

Марий калыкын уста эргыже да мутмастарже Валерий Апакаев 1940 ий 26 январьыште Морко поселкысо служащий ешеш почын. 1954 ийыште Унчо шымияш школым тунем пытарен да Шенше кыдалаш школышто уш-акылым пентыдемден. Тудын уло илышыже связь паша дене кылдалтын, ятыр гана чакпагаз дене палемдалтын, лүмжым СССР Связь министерствын Чап книгашкыже пуртымо.

Валерий Васильевич Апакаев шуко почеламутым, мурылан мутым, илыш эскерымаштыже онай деч онай мыскараран, койдарчыкан, тыгак кочо нумалтышан сүрет-влакым ужын ойырен моштен, ойлымаш-влакым устан чонен. Тудын муро памашыже яндар да келге, шонымашыже-влак шүм-чоным тарватыше улыт. Илымыж годым Ва-

лерий Апакаевын серыме икмын-яр пашаже-влак газетлаште да журналыште савыкталтыныт, а икымше книгаже колмыж деч пырт ончыч гына ош тўнямужын.

Сылнымут папаше коклаште ушеш кодшо да йывырташ таратыше ятыр корныла улыт. Илыштыже еш теме тыгак ончылыно шога. Теве тудо кузе возен:

*Мо мылам поранан теле корно?  
Пёртвезем гына койжо -  
Мый мондем нойимем,  
Мый тунам чонештем!  
Вуча! Капка йўк шоктыш веле,  
Шўйышкемжак кержалте  
ватем!*

*Тўрвем - лыве шулдыр,  
Чонем - чонат пеле,  
Ну, молан тый тыге йўратет?*

Верысе поэтым шарнымаш кас Унчо книгагудышто 26 январьыште порын да тыматлын

эртен. Тушко Оля, Ирина ўдыржо-влак, Борис эргыже ешышт дене, пырля тунемше йолташыже-влак - Егоров Валерий, Янсаков Алексей, поро родо-тукымжо, погыненыт.

Тиде мероприятийыште “Күдыронгыр” ўдырамаш клубын участникше-влак сценарий почеш илыш-корныжым шерын лектыныт, икшыве-влак ачашт нерген порын шарналтеныт, почеламутым лудыныт. Поэтын ятыр возымо почетламутшылан Унчо клубын художественный вуйлатышыже, тале баянист Иванов Юрий Владимирович семым кельштарен. Мутмастарын “Унчо кундем” муржо Унчо селан гимнжылан шотлалтеш. “Салтакын пўрымашыже”, “Ўстелтўр муро”, “Унчо велне веле” муржо ваерысе калыкын шўмышкыжў шынген кодын.

Маргарита СЕМЊОВА